



-Kielâoho ulmen lii pyehtiđ raajjd rastaldittee vuovviijn oovdân, ij tuše Säämist peic oles ohtsâškoddeest, tom rigesvuodâ, mii puoh sâmikielâin lii. Mij halijdep lasettiđ tiäđuid sâmikielâin já pajediđ sâmikielâ status, iätá Håkan Jonsson Ruotâ Sâmitige stiivrâ saavâjodetteijee.

-Lii suotâs uâiniđ maht sâmikielah váldojeh huámmášumán já kiävttojeh Kielâoho ääigi. Mun puáđám eromâš ilolâžžân, ko mun lavkkiim siisâ purramuškaávpán já uâinám sâmikielâlijd koolbâid. Lii mávsulâš teivâđ sâmikielâ sárnoo párnâid, tastko tot muštâl, ete mon pyereest sâmikielah vajeh, lasseet Jonsson.



Håkan Jonsson
Stiivrâ saavâjodetteijee Ruotâ Sâmitigge
Kove: Marcus Bäckström



Silje Karine Muotka
Taažâ Sâmitige president
Kove: Åse M. P. Pulk (Sâmitigge)

-Raajjd rastaldittee Kielâokko lii tehálâš tondiet, ete sâmikielah eelih Suomâ, Ruotâ, Taažâ já Ruošâ raajij rasta. Puoh sâmmiláid lii luándulâš já tehálâš, ete mij oovtâst toohâp jieččân vááimu kielâ áarvu uâinojeijen já nanodep tom almolávt. Kielâokko lii oovtâstpargo sâmikielâi uâinojeijen tohâmân já tiäđu lasseetmân tain oles ohtsâškoddeest. Oovtâst mij váldip stuárráb ovdâsvástádâs sâmikielâi kulluumist, oinuumist já kiävtust ohtsâškode puoh suorgijn, iätá Sâmitige president Silje Karine Muotka.

-Kielâoho ulmen lii kiddiđ almolávt huámmášume sâmikieláid. Jis sâmikielah kalgeh oinuđ já kulluđ ohtsâškode puoh suorgijn, te lii tehálâš, ete stuorrâ tuáimeeh uásálisteh taan tehálie paargon, já láá išseen tohâmin sâmikielâid uâinojeijen já paajeedmin tai status. Mađe eenâb toimâtteijeeh merideh toohâđ sâmikielâid uâinojeijen, te tađe eenâb sâmikielah uâinojeh. Mij avžuuttep puohâid uásálistid sâmikielâi uâinojeijen tohâmân já paajeedmân. Sehe ucebeh já stuárráábeh tooimah láá teháliih, tiäddut Muotka.



-Puohah láá tiervâpuáttim uásálistid̄ Kielâookon! Mun povdiim-uv puoh jieškote-uvlágán tuáimeid uásálistid̄: finnoduvah, seervih, siärváduvah, virgeomâhááh já ovtâskâs ulmuuh. Lii tehálâš, ete nuuvt mangâseh ko máhđulâš láá miel̄di já uásálisteeh láá nuuvt vijdáht ko máhđulâš ohtsâškode sierâ suorgijn, vâi sâmi Kielâohhoost pyereest já vijdáht. Mun tuáivum-uv ete nuuvt mangâseh ko máhđulâš láá perustum já pyehtih uásálistid̄ Kielâookon, iätá Sâmitige saavâjodetteijee Tuomas Aslak Juuso.

-Mun tuáivum, ete Kielâookon uásálisteeh pyehtih jieijâs jyehipiäiválii tooimâst pyehtid̄ sâmi Kielâid oovdân. Juáházân lii eromâš tehálâš pyehtid̄ kuullâđ já kevttid̄ jieijâs kielâ jieijâs aargâst. Kielâohhoost puáhtá-uv ovdâmerkân kevttid̄ sâmi Kielâlijd uápistemkoolbâid, máinusteevstâid tâi veikâba sâmi Kielâlijd kulluuttâsâid. Toos lasseen Kielâoho uásálisteeh pyehtih ornid̄ sierâlágán sâmi Kielâid já -kulttuurân lohtâseijee tábâhtusâid. Uccâ-uv tavoh láá merhâšittee! Puoh tehálumos lii uásálistid̄ já pyehtid̄ sâmi Kielâid oovdân Kielâohhoost tunjin ollsâd tâi tooimân hiäivulijn vuovvijn, ciäkká Sâmitige saavâjodetteijee Tuomas Aslak Juuso.



Tuomas Aslak Juuso
Suomâ Sâmitige saavâjodetteijee
Kove: Ville-Riiko Fofonoff/Sâmitige



SÁMEDIGGI
SÁMITIGGE
SÄÄ'MTE'G'G
SAAMELAISKÄRÄJÄT



Sámediggi
Sámedigge Sámiédiggie Saemiedigkie Sametinget



SÁMEDIGGI
SAMETINGET